

De enteressiaretn  
meing se innschraim  
finz as de 27 van oberel

Der tema va de akademi 2025 ist s bëcksl van lem as de Alpn. De keltestn zaitn ont de bermestn zaitn hom òlbe gòp an störchn vurm ver za innsitzn se ont ver en lontschöft ont en de leistr zeichenten jarder de berm ist òlbe stercher kemmen no de bëcksl van bëtter. De toalnemmere en de akademie barn se vinnen ver drai rivenbochen ver za klöffen van doi temen. Öll vört geat men en an öndern van lander van Euregio, ver za kennen pesser der Euregio ont de sai'na struktur ont ver za bëcksl se idee pet auskenneta lait. Men vònök u' ka Roveredo va de 23 finz as de 25 van moi. Pet de mittörbet va de Fondazione Trentina Alcide De Gasperi, bart men studiarn as de gschicht van envicklung van lònt galep van sprochen gruppun van Euregio ont van sai' zòmmilem. Dòra geat men envire ka Poazn va de 4 as de 6 van heibeger pet de zòmmòrbet van Eurac. De toalnemmenre barn



Lettratt: EFAAndreiPungovschi

## Akademi van Euregio: an kurs ver 30 jungen de van Tirol, van Sudtirol ont van Trentin

studiarn de klimaplan van drai lander van Euregio ont de bëcksl van bëtter en de alpineregion ont de situazion van minderhain ont s enviregeva' va de autonome en Sudtirol. Der leiste tréff bart se hòltn va de 16 finz as de 18 van agest pet de Euregio Days en Europeische Forum va Alpbach 2025 en tiroler "Villaggio dei pensatori". Men bart se pakimmern za klöffen ibar de riven va de Europische Union ver za kemmen pesser, van schutzen van klima (Bussola per la competitività dell'UE - Green Deal) ont abia as bëcksl de alpn lander ibar de doin temen.

De akademi ist an órbet u'lear tsbunnen ver de jungen zabischn de 18 ont de 35 jor van drai lander as belln baitern s sai' kennen as en Euregio ont en de glaiche zait möchen nètz. Ver za schraim se inn en de Akademi van Euregio 2025 men hot bail finz as de 27 van oberel 2025. Me mu gea' as de internetsait van Euregio en adress zo www.euregio.info/academy. De toalkostn ver en gönze seminar, ölls zòmm pet en essn ont schloven aa ist va 90 euro. Ver za nemmen toal miast men kennen taitsch ont balsch en livell B1 oder heaher ont an kurzn priaf pet en bavai as men bellet toalnemmen.

## S BERSNTOLER KULTURINSTITUT SUACHT MITÒRBETER: AN KURATOR/EN ONT VIARER VER DE MUSEEN

De dokumentn ver peada de bandi sai' as de internetsait van Institut.

Ver en sèll va kurator/en mu men ogem de vrong finz as de 21 van merz, ver en onder, finz as de 28.

S Bersntoler Kulturinstitut, no en projekt van PNRR "La forza della minoranza: la rinascita di un borgo di matrice germanica a sud delle Alpi" ist no za suachen an kurator oder a kuratoren ver de ausstell as bart kemmen organisiart haier. Der projekt van PNRR ist toalt en vil toaln ont oa' keart um en tema va de kultur ont va de sproch. Zan paispil hot men vour za möchen de "Arca delle lingue di minoranza" as bart sai' an plötz ver za gem bërt en de inser sproch ont en ölla de sprochen minder kennt. Der projekt hot vour aa za organisiarien ausstell, tréffen ont za örebnt as de kommunikazion. Ont derzua za verörbnet, turch seminarn ont tréffen, material abia piacher, lettratt, filmen za meing prauchen ver za läng kennten de inser kultur ont de sproch. Haier bart kemmen organisiart an ausstell asn tema va de arkitektur ont s mentsh as bart auganommen kemmen pet de doi selezion bart organisiarn de ausstell ont der sai' katalog. Men suacht a mentsh as nimmp au ont organisiert de materialn ont de örbetn van autorn as barn zòmmòrbetn en de ausstell. Dòra der doi material mias verörbetedt kemmen ver za meing en prauchen en ausstell. Der kurator mias se aa organisiart pet de sèlln as verörbnet der material ont örbetn as de kommunikazion.

De doi örbet bart kemmen gamöcht zabisch merz ont moi.

Ver za meign se u'meln, s kimmp verlonk de Laurea en umanistischn ont literarischn temen ont eventuell, öndra titln abia master oder kursn, za hom schoa gaòrbetet za organisiarien ausstell ont piacher van ausstell.

De vrog mias tschickt oder ogem kemmen voor de 21 van merz za mitto.

Der onder bando van Bersntoler Kulturinstitut kimmp gamöcht ver za möchen a graduatoria va mitòrbeter as viarn de lait en de sitzn van Bersntoler Museum ont en öndra tréffen as arn organisiart haier.

De sitzn van Bersntoler Museum sai' mearer: der Filzerhof, de Mil, de Sog van Rindel ont der sitz van Institut. Der erste ist an hoff va Vlarotz as ist ausgariichtet kemmen abia a vòrt ver za zoang en de lait s lem van doin jor. De Mil ist en Oachlait ont s ist net lai an plötz ver za sechen abia as hom gamolt a vòrt s gatros. S ist aa a mittl ver za sechen de bein gatros as se hom gahòp, abia as se hom sa prauht ont bos as se hom kocht a vòrt. De Sog van Rindel ist der næiste sitz van Bersntoler Museum. De vinnt se kan Rindel, en Vlarotz. Men sieht abia as ist kemmen gaòrbetet s holz, aba as se hom s prauht, de bein pám as se hom gahòp ont asou envire. Ver za nemmen toal en bando mias men hom almen öchtzen jor, hom der auto ver za meing gea' as de örbet, kennen öndra sprochen ont hom de megglechket za örbetn va moi pis en schanmikeal ont nemmen toal en kurs örganisiart ver de viarer van Bersntoler Kulturinstitut. De enteressiaretn meing ogem oder schicken de vrog ont de dokumentn en sitz van Bersntoler Kulturinstitut en Palai vour de 28 van merz za mitto.

Ver öndra informazionen mi men riaven s Bersntoler Kulturinstitut.

LORENZA GROFF



## 21 van hourneng: de To va de Muatersproch

Il 21 febbraio di ogni anno si celebra la Giornata internazionale della lingua madre, indetta dall'UNESCO e riconosciuta dall'Assemblea Generale dell'ONU per promuovere la madrelingua, la diversità linguistica e culturale e il multilinguismo.

Come sosteneva Nelson Mandela: "Parlare a qualcuno in una lingua che comprende consente di raggiungere il suo cervello. Parlargli nella sua lingua madre significa raggiungere il suo cuore".

As de 21 van hourneng hot men pfaiert an bichtegen to ver de sèlln as klöffen öndra sprochen. Öll jor, vaiert men der To va de muatersproch, as ist kemmen galeik van Unesco pet en zil za schitzen de mearsprocheket ont de kulturn as de bëlt. Der doit is kemmen galeik en 1999 ver za denken s sèll as ist passiert en 1952 en orientalischen Pakistan. De lait hom vil gatun ver za schitzen de sai'nega muatersproch keing en urdu, as hot gebellt der Pakistan. Derzua, der Bangladesh hot

pfork en Unesco eppes ver za denken de doin loadegen ta.

Öll jor kemmen organisiart tréffen ver za klöffen van doi bichtegen tema.

De muatersproch ist de sproch va de mama, de sèll as men prauht anearst ver za klöffen pet de öndern. Öfta vòrt de doin sprochensai' dialekt, bavai de kemmen nett derkennt abia sproch. En doin völln, hot s a lokalsproch, as kimmp nett tsechen van gasetz, ont an offizialsproch, as ist de sproch va de örbet, van omtn ont asou envire.

S barat bichete za gem en ölla de muatersprochen der sai' richtegen plötz bavai, abia as hot tsöck Irina Bokova, Generalviarer van Unesco finz en 2017, «de mearsprocheket, der ear va öndrasprochen ont de ibersetz, barn sai' de drai mittln van sprochpolitik en de jarder as kemmen».

De hot gadenkt bos as hottsöck Nelson Mandela: «Za klöffen en an iatn en a a sproch as er könn, mu men arivarn en sai' kopf. Za kffen en en sai' muatersproch, bill song za arivarn en sai' hèrz». De uatersproch ist de sproch va de mama, de sproch va de emozion, van vrait, van hèrz.

Der be ver za gem en ölla de muatersprochen an richtegen plötz, ist za verstea' as ölla de sprochen – ölla de sprochen: lokal sprochen, dialektn, offizialsprochen – sai' bichete, de miasn schitzt kemmen ont men mias sa klöffen ver za tröng sa envire, bayai de sproch ist aa a toal va de kultur.

LORENZA GROFF

## Messn va de Baichboch

Pet de earstn zoachen van langes, en a mu'net barn ber aribarn za Oastern.

Der Pölsunta, as de 13 van oberel, bart kemmen gahöltne mess ver en gönze tol en de kirch va Vlarotz Mitterpèg um zeichena ont a hòlbs vria.

Der baichpinsta, en Garait um öchta zobenz. Der korrvaita, uma drai nomitto en de kirch va Apalai, de via crucis ont um öchta zobenz, mess en de kirch va Auservilarotz. Der bauchsönta, um nai'na en de kirch va Schandursch. Za Oastern, mess en Vlarotz um zeichena ont a hòlbs.

## Projekt «C.A.R.E. Cura, Ascolto, Relazione, Empatia»

S ist u'pfönd der projekt "C.A.R.E. - Cura, Ascolto, Relazione, Empatia" ver de familie va de Hoa Valzegu' ont van Bersntol. Der projekt ist enviretrong van Distretto Famiglia Alta Valsugana e Bersntol, pet de zòmmòrbet va APPM Onlus ont öndra omtn. S barn kemmen organisiart tréffen ver ont bérkn ver de familie. Der zboate tréff bart se hòltn en meardinstnzentrum va Mala, en ma'ta as kimmp va um nai'na finz um zeichena zobenz ont men bart klöffen va "Consenso e comunicazione nelle relazioni".

